



Musestille sat borna då forfattar Anders Totland les frå boka si.

Barnehagedagen er ein årleg markering der barnehagane opnar dørene sine ut til samfunnet for å visa, og synleggjera barnehagen sine aktivitetar og mangfald. Omsorg, leik, læring, og danning legg grunnlaget for tidlig innsats, godt språk, og god kvalitet på barnehagetilbodet. Barnehagen er fyrste ledd i utdanningslinja.



Bøker og høgtlesing i fokus i barnehagen

Barnehagedagen 2016 omhandler barnehagen sitt arbeid med å fremja eit godt språk hjå barnehageborna. Tema for barnehagedagen i år var: **Les høgt for oss.**

I samband med barnehagedagen 2016 har barna i Uskedalen barnehage hatt bokprosjekt, og laga sine egne bøker. Vi var også så heldige å få besøk av vår lokale barnebokforfatter Anders Totland, som kom å las si eiga bok **Vampyren i eplehagen** til borna. Ungane gleda seg stort til forfatterbesøket, og fleire hadde teke med seg boka **Vampyrane i eplehagen** heimanfrå denne dagen. Det var tydeleg dette var ei bok fleire av barna hadde god kjennskap til frå før. Borna sat musestille å lytta då Anders las. Dette var kjempespennande. Etter lesestunda fekk barna med stor stoltheit vise forfattaren bøkene dei sjølv hadde laga.



Kjekt besøk frå utdanningsforbundet. Olaug Heggernes t.v. og Bodil Stoknes t.h.

Det var ikkje bare forfattarbesøk barnehagen fekk denne dagen. Leiar for Utdanningsforbundet i Kvinnherad, Olaug Heggernes, og hovudtillitsvalgt for barnehagen, Bodil Stoknes, kom på vitjing med pakke til barna i barnehagen vår. Inni pakka låg det to flotte bøker, der ein av dei var **Vampyren i Eplehagen**. Dette var stas, og på småbarnsavdelinga kunne ikkje barna vente med å få lese boka dei hadde fått. Ungane var samde i at dette hadde vore ein flott dag. Tenk dei hadde hatt besøk av ein **EKTE** forfattar, og til og med fått pakke av nokre damer som kom frå eit eller anna 'band' (oversett: Utdanningsforbundet)

Stor takk til både Anders Totland, og damene i Utdanningsforbundet Kvinnherad.



Gøy med høgtlesing.

Tekst og foto: Ann Irene Sæle
Nett: Thor Inge Døssland